

TAMAN LAUT MERIAHKAN KARNIVAL PECINTA ALAM BERSAMA DYMM SULTANAH PAHANG DARUL MAKMUR

BENTONG - JTLM telah menyertai pameran bersempena dengan Karnival Pencinta Alam Kesedaran Masyarakat Untuk Masyarakat pada 18 Januari 2014 bertempat di SMK Sri Pelangai Bentong, Pahang. Program anjuran Sultan Ahmad Shah Enviroment Trust ini bertujuan meningkatkan kesedaran masyarakat setempat tentang kepentingan menjaga alam sekitar.

Program yang dirasmikan oleh DYMM Sultanah Pahang ini dihadiri kira-kira 3 ribu orang. DYMM Sultanah Pahang, Sultanah Hajah Kalsom telah sudi meluangkan masa untuk melawat pameran JTLM bersama YAB Dato' Sri Adnan Yaacob, Menteri Besar Pahang dan YB. Dato' Sri Dr. James Dawos Mamit, Timbalan Menteri Sumber Asli dan Alam Sekitar.

